

H. Sachs.

16

1. Ein - Flügellied vom - Greifeldt
Cöthen

1) 2 H. Sachs von dem Reiche

2) 3 — das Heilbad Nürnberg f. Guckknecht

3) 4 — Zwei Neue Spiel - V. für

4) 5 Der Lack der Künsten 1569
v. Anthonium Keyser

5) 6 Kruklade u. für Hamt

6) 7 Von Kakende u. Joch Löwe
Lapp pi
Lulmen, Leinhard

7) 8 Zuchtmeister durch Leonhard
Kulmann. Nürnberg f. Guckknecht

8) 9 H. Sachs fastnachtspiel
Neuer Salomon

9) 10 Zuchtbüchlein - Salomon
Nürnberg f. Guckknecht

10) 11 Vogel Weiss:
von der Verführung - Terap. a.
Nürnberg f. Guckknecht

11) 12 L. Sachs
Lorei: Judith u. Holoferne
Nürnberg f. Guckknecht
Ein kurtz. Spiel

12) 13 Andreas Scharpfeneck

13) 14 Der Verlorne Sohn. N.
von

Yp 7632 R



R

L
furs
de



Ge

Zuchtbüchlein 9

der jungen Kinder.

Darinnen seine sitten vnd tugend
zu lernen/wie sich ein Kind mit
recht/ordnung vnd geberde gegen Gott
vnd jederman/in seinem gantzen leben
halten sol. Durch Leonhardum Culo
man. Ist der jugent zu gut/
inn seine liebliche Reys
men bracht.

Durch:

Salomon Newber/ Teutschen
Schulmeister zu Türne
berg.



An die Kinder.

In lieben Kinder vmb vnd vmb
Seit Gottsförchtig/fleißig vnn
Vnd lernet alle sammet wol (frun
So werd jr guter Hüner vol
Lernet ihr aber nichts vnd vbel
So müß ihr essen auß dem kübel
Daraus die groben Sew sonst essen
Darumb thut bey leib nichts vergessen.



Allen meinen Lieben Schul-
kindern sey gewünscht/ heyl vnd
erleuchtung des Heyligen
Geistes/ Amen.

Lieben kinder/ es thut sehr von nö-
then/ Das man euch in Gottes forcht vnd
guten sitten wol lere vnd unterweise/ Denn
der Teuffel hat ein sonders auffsehen auff die ju-
gend/ das er sie bald in der ersten pläe von Gott
vnd seinem Wort abreisse/ das sie auffwachsen
in aller vntugent vnd bößheit/ wie denn jetzt vor
augen zusehen ist. Denn die junge Welt jetziger
zeyt/ so verucht vnd verwegen auffwechset/ das
inen keine schuldheit vnd bößheit nicht zu vil ist/
dazu denn vil Eltern vrsach geben/ die iren kin-
dern vil mutwillens verhängen/ mit entschuldig-
ung/ sie seyen noch kinder/ vnd thun nicht an-
ders denn Kinder/ welches aber vnchristlich ist/
denn es sind ja kinder. Kinder aber/ sollen nicht
zu mutwillen/ vnd vppigkeit gezogen werden/
Sondern zum lob vnd preiß Gottes/ vnd seiner
sucht vnd erbarkeit/ wie der 3. Psalm/ vnd die hei-
lige Schrift an vil orten dauon meldet. An des-
nen hat Gott wolgefallen/ vnd hertzet oder seg-
net sie/ Darauß kommen mit der zeit auch seine
weise geschickte leut/ die im Geistlichen vnd welt-
lichen Regiment wol von nöthen sind.

Sarumb die weil mich der liebe Gott in meis
nem grossen Creutz vnd leyden/ auch darzu beruf
fen hat (wie ich zu Gott hoffe) auch als der lieben
jugent für zustehen/ vnd in guten sitten vnd tug
gendren zu lehren vnnnd vnter weisen/ hab ich für
nützlich vnd gut ange sehen/ ob ich solche vnweiss
vnnnd bößheyt der bösen Kinder/ an euch meinen
Schulkindern / durch gute lehr vnd anweisung/
vorkommen möchte. Bin derhalb verursacht
worden/ solches schrifftlich in kurze Reymen zur
uerfassen/ vnnnd euch die wochen zweymal für zu
lesen / Samit ihr durch solch anhören vnd auff
mercken/ ewer leben anrichten/ vnd in guten tug
enden auffwachset/ Denn was man in der Ju
gent lernet/ vnd gewohnet/ es sey gut oder böß/
Das hangt einem sein lebenlang an / wie die ers
farung bezeugt.

Sarumb fasset diese Lehr in ewer hertz vnd
gemüch/ vnnnd sehet das ihr der selben nachlebet /
Saran ihr denn Gott vnd den Menschen ein
wolgefallen thut/ vnd werdet von jederman lieb
vnd werde gehalten sein/ verhoffe auch/ ir weis
der fleiß arckehren/ vnd nicht vergessene Schuler
bleiben/ Gott sey mit vns allen/ Amen.

Wie sich ein Kind Gottse-

liglich halten sol.

In alter ersten ehre Gott
Vnd hab vor augen sein gebot
Die heylgen zehen Gebot des Herin
Soltu von ersten fleißig lern
In welchen du kanst lernen bald
was du thuu oder lassen solt
Nemlich liben von hertzen rein
Gott vnd darnach den Nächstten dein
Darnach lerne fein mit bedacht
Den glauben/der da selig macht
Welcher in seinen wercken gut
Sich iderman erzeigen thut
Zu letzt vb dich diesem brauch
Vnd lern das Vatter vnser auch
In dem du Gott dem Herin vermanst
Seiner warn zusagung/vnd kanst
Im fürtragen deins hertzen ger
Vnd bitten das dir Gott der Herz
Das hertz vnd die lieb thu geben
Das du nach sein gebott möchst leben

A ij Vnd

Vnd die durch sein gepredigt wort
Den waren glauben geben fort
Dise drey stück auch einem kind
Zu wissen gar von nöten sind
Wie Christus selber sagt dergleich
Suchet von Ersten Gottes Reich
Was euch als denn thut mangeln alln
Das wirdt euch als genug zusalln.

Wie sich ein kindt gegen sei-
nen Eltern/vnd seinem Schul-
meister halten soll.

Sarnach so volge diesen lehrn
Halt dein Vatter vnd Mutter in
Solg in in allen dingen fort Lehr
So nicht sein wider Gottes Wort
Beleydigt sie nicht/thu mich merckn
Weder mit Worten noch mit werckn
So wirst du leben lange zeit
Vnd dir wolgehn in ewigkeyt
Denn das ist aller menschen Kinder
id nicht minder
Welche

Welches Kind aber so verruchte
Seinem Vatter vnd Mutter flucht

Dasselb wirdt jemmerlich verderbt
Vnd des ewigen todtes sterbt

Wie viel Exempel zeigen an
Noch der fromme Gottes man

Hett einen Son derselb hieß Ham
Der verspottet seins Vatters scham

Darumb der fluch vber ihn gieng
Vnd Absolon am Baum erhieng

Darumb das er sein lieben Vatter
Verjagen thet die gifftig Atter

Davon man hat Exempel mehr
Die zu lang würden sein hieher

Darnach ehre mit grossen fleiß
Dein Lehrmeister in aller weis

Lieb ihn/sey ihm gehorsamlich
Vnd volg ihm was er lehrnet dich

Lass alles anders auß der acht
Vnd fleissig seine lehr betracht

Seine straff solt du gerne leiden
Vnd wider ihn das murren meiden

Denn solches ist zu aller fart
Ein zeichen einer bösen art

A iij

Darumb

Darumb schweig nur vnd laß gut sein
Vnd verschmech nicht den lehrer dein
Halt dich gehorsamlicher pflicht
Er sein gegenwertig oder nicht

Wie sich ein Kind gegen jederman halten sol.

Derck auch vñ thu dich des befließ
Oñ thu niemand kein args bweiß
Sib auch niemand kein hinderuß
Vnd thu keinem nichts zu verdruß
Denn so du niemandt leides thust
Du auch keinen nicht fürchten mußt
Verspott auch niemands/thu gemach
Vnd red niemand bald vbel nach
Denn solche leut die sind fürwar
Hessig/vnd Gott ein grewel gar
Beweise auch auß vngenaden
Keinem weder schmach noch schaden
Alle böse gesellschafft flieh
Thu dich von in vnd meide sie
Aber zu denen thu dich baldt
Vnd gemeinschafft mit inen halt

Die

Die da seind fein frumb vnd züchtig
Warhafftig vnd ehren tüchtig
Nit spiler/lügner oder dieb
Sonder welche ehr haben lieb
Vnd die dich allezeit lernen guts
Vnd bessern mögen dir zu nutz
Den man achtet dich eben vast
Wie die mit den du gesellschaft hast
Merck auch/red wenig vnd selten
Denn es thut ein spruchwort melden
Mit schweigen verred man sich nicht
Auch ist vil besser/wie man spricht
Hören/denn das man vil thu reden
Den solches niemand bringet zu schaden
Vnd das man dir heimlich vertraut
Das offenbar nit vberlaut
Denn es ein Sünd ist vbel vol
Reden/das man verschweigen sol
Alles dein reden inn gemein
Das soll war vnd schambafftig sein
Denn Gott hasset die lügner all
Vnd wenn du nun etwa zumal
Mit einem Herren reden thust
Welchem du ehr erzeigen must

So füg dich an sein rechte Seyten
Zeuch dein paretlein ab bey zeyten
Vnd erzeig dich nicht gegen ihm
Trawrig noch vnuerſchämpter ſtim
Sondern ſittlich vnd tugentlich
Vnd ſteh mit deinen füſſen gleich
Vnd ſich den an mit dem du redſt
Vnd ſo du auch außſpeyhen thetſt
Oder die Naſen wolteſt ſchneuzen
So ker dich vmb vnd mach kein ſcheu
Auch ſtehet vbel vnd ſehr faul
Viel ſchnadern vnd ein offens maul
Lach nicht zu ſehr / laut oder viel
Sondern beſcheidenlich vnd ſtill
Kraz auch weder das Haupt noch hend
Vnd beweg auch an keinem end
Deine bein hin vnd wieder dar
Denn ſolches iſt vnhöſlich gar
Laß dir zu reden nicht ſein gach
Vnd ſo du redeſt thu gemach
Vnd antworthe mit wenig worten
Sein vnterſchiedlich an den orten
Vnd ſez die wort zuſammen fein
Deutlich / die wol vernemblich ſein

Vnt

Und geh nicht ohn vrlaubnus dann
Bis man dir sagt wie oder wann
Darumb so lehrne vnd nimb war
Sein verstendlich/langsam vnd klar
Deine wort außsprechen alls ander
Vnd wirff nicht eines in das ander
Vnd so du wirst gesendet auß
Vnd anklopffest an einem haus
So klopff oder leut nicht zu sehr
Denn solches gar zu tölpisch wer
Auch merck vnd ehr das alter schaw
So wirst auch werden alt vnd graw
Denn Gott der wil es haben/glaubt
Steh auff vor einem grawen haupt
Als da seind in einr kurtzer sum
Erbar Mennern vnd Weibern frumb
Ansehenlich vnd würdigkeyt
Burgermeister/Rathern vnd ampt
Prediger/Doctor vñ Schulmeister leut
Vnd andere dergleichen mehr
Denen allen thu ehr erzeigen
Vnd dich sein sittlich vor in neigen
Vnd weich in auß dem weg du knab
Vnd auch dein Vretlein vor ihn ab
Aber

Aber die deines gleichen sein
Die soltu nur grüssen allein
Vnd sodu gehest auff der gassen
Thu dich des schnellen lauffens massin
Vedoch geh auch zu langsam nicht
Wirff auch dein augen vnd gesicht
Nit in den gassen hin vnd wider
Sonder schlag sie fein züchtig nider
Vnd gehe deinen weg fürbaß
Ist dir denn auch beuolhen was
Etwas zuthun in einem hauß
So richt es willig vnd recht auß
Vnd nimb war wenn du gehen wilt
Was man dir widerumb befielt
Sey auch grüsspar machs doch nitlang
Es sey inn dem ein oder außgang
Vnd die in dein hauß kummen thun
Die empfah schon mit frewd vn wunn
Vnd erzeig dich freundlich aller mass
Gegen inen on sonder haß
Vnd diene in zu aller zeit
Mit aller zucht vnd ebarkeit.

Wie

Wie sich ein Kind an ihm
selbs / mit vbung vnd zucht
halten soll.

Ach mercke weiter den berichte
Das du die arbeit fliehest nicht
Denn arbeyt bringt tugent vnd ehre
Wer die verwirfft ist tugentleze
durch arbeit werden vil erhahn
Die faulkeit machet betlers knaben
Darumb thu solches nit vermitten
Vnd ergib dich ehrlamer sitten
Lerne auch in der jugent dein
Lesen vnd schreiben wol vnd fein
Vnd auch sonst etwa feine kunst
Denn vnser lebn ist eytel sonst
gleich die müßigkeit wie das gisse
Den sie hat nie was guts gestiffte
Sie bringt laster vnd allbosheit
Sonder besleiß dich allezeit
Wolzuthun beide jung vnd alt
Vnd sey nicht gäch zu zürnen bald
Denn zoren bringet leid vnd schmerz
Sei auch mit rachselig im hertzen

Sonder verzeyhe vnd vergib
Das erfordert die Christlich lieb
Deine kurzweil zu aller zeit
Soltu fein thun mit ehersamkeit
Nach lob vnd preiß thu teglich ringen
Vnd halt dich sauber in all dingen
Am bar/am angesicht vnd Nasen
An fingern vnd am leib dermassen
Vnd sey schambafftig allezeit
Denn solchs ein guts zeichen bedeut
Hüt dich vertram dich nicht dem wasser
Sey auch kein schlemmen oder prass
Denn im wasser sehr viel ertrincen
Vnd viel durch füllerey versincen
Denn Trunckenheit die nimpt zu hand
Hinweg vernunfft/sin vnd verstand
Vnd machet einen gleich ein schwein
Darumb hüt dich vor vielem wein
Vnd merck auch weiter diß hiebey
So du was findst sey was es sey
So gib dasselbig wieder fein
Denn du weißt wol es ist nicht dein
Man bewegt offft also ein Kindt
Ob man vntrew hinder ihm finde

Gib

Gibst du wider behests es mit
So machest du dir ein trawen mit
Behelst du aber so geschichts
Das man dir vertraut gar nichts
Denn es ist ein böses zeichen
Auch wirstu erkandt dergleichen
Ausz deiner rede/wer du bist
Vnd was in deinem hertzen ist
Darumb nimb deiner zungen war
Das du nit kommest in gefahr
Merck auch vnd niemandt nit verachte
So wirstu auch gar nicht verlacht
Verspote niemandt vberall
So wirstu auch verspot kein mal
Rede auch niemandts vbel nach
So redet man dir auch kein schmach
Vom stoltz vnd frecheit thu dich kehren
Hüt dich vor fluchen vnd vor schwern
Kein vnzüchtig vnd vnütz wort
Laß von dir hören an kein ort
Zorn vnd bosheit thu vermeiden
Leb fein sitzamllich mit den Leuten
Vnd alles was du thust hab acht
Thu solches fleissig mit bedacht

So

So wirstu gelobt zu aller frist
Denn Gott der in dem Himmel ist
Der sihet alle deine werck
Ja er sihet in dein hertze/merc
Handelst du trewlich hie auff Erden
So wird es Gott gefallen werden
Vnd wird dir gehen wol darzu
Handelst aber vntrewlich du
So wird dich Gott gar grewlich straffen
Vnd dir vil vnglücks darzu schaffen
Es geschech vber lang oder bald
Darnach dich diser lehr auch halt
Vnd lerne nit die leut betriegn
Zu vberfortheiln vnd beliegn
Denn dasselbig Gott sehr mißfelt
Vnd ein schwer vrtail in sich helt
Vnd mustam Jünsten tag darnebn
Gott rechen schaffte darüber gebn
Darumb sey warhafftig vnd frumb
Hüt dich vor liegen vmb vnd vmb
Den nichts vblers eim Kind ansteht
Denn so es mit lügen vmbgeht
Denn auß dem liegen kompt das steln
Auß steln der strick an die keln

Auch

Auch gehe nit auß deinem Haus
On wissen deiner Eltern auß
Dergleichen so man dich außsendt
So kom wider bald vnd behendt
Vnd saum dich nicht lang auff der gassin
Vn̄ thu dich auch des zandens massin
Mit niemandt thu dich auch nit schlagen
Das man nicht vber dich thu klagn
Merck/laß dirs auch ein warnung sein
Schwarz nichts auß dem Haus vnn̄
Siehe auch nit auff ander leut (Darein
Vnd ihr wesen auffs ergste deut
Siehest du etwa ein Person
Der etwas vbel stehet on
Dasselbige vermeyd vnd haß
Siehest du aber vber das
Was einem wol ansteht vnd ziert
Vnd er dardurch gelobet wirt
So schäm dich nicht in dieser sacht
Vnd folge ihm auch fleissig nach
Vnd wer auch strafft mit worten dich
Dem danck von hertzen fleissiglich
Vnd halt in für ein guten freund
Vnd sey ihm holt vnd gar nicht feind

B

hab

Auch

Hab acht wo ihr zwen etwan theten
Was heimlichs mit einander reden
So geh dauon vnd nicht hinzu
Damit sie vor dir haben rhu

Wie sich ein Kind im anfang des tags halten soll.

So du auff stehst am Morgen frů
Lass dich verdrissen mit der müß
Knie nider/leg dein hend zu samen
Vnd fang den tag an in dem Namen
Des Vatters/Sons/vnd heiligen Geists
(Denn der Vatter im Himmel heists)
Besilch dich Christo vnserm HERN
Vnd bet das Vatter vnser gern
Sage ihm danck/das er die nacht
Dich hat behütet vnd bewacht
So Vätterlich vor vngehewr
Fürs Teuffels listen vnd vor fewr
Vnd bitt in auch von hertzen grundt
Das er dich bewar alle stundt
Den ganzen tag vor Sünd vnd schandt
Vnd allem vbel vnbekandt

Denn

Denn wir alle (als man denn sieht)
Stehen auff vnd wissen doch nicht

Wie wir vns wieder nider legen
Vnd legen vns nider dargegen

Vnd wissen nicht oder sehen
Wie wir widerumb auff stehen

Also gar sindt wir all gemein

In Gottes schutz vnd schirm allein
Als denn leg dich bald an/hernach

Wünsch dein Eltern ein guten tag
Kemb dich darnach/dein har fein richte

Wasch dein hend vnd das angesicht
Vnd geh denn fleißig hin zuthun

Warzu du bist beruffen nun
Zu der lernung in deine Schul

Oder daheim auff den werck stub.

Wie sich ein Kind in der Schul halten sol.

So bald du in die Schul eingehst
So geh hin auff das aller ehst
Gib dein Lehrmeister deine hende
Grüß ihn fein züchtig an dem endt

B ij Darnach

Darnach so thu dich setzen nider
Vnd vberliß dein legen wider
Die man dir gestern hat fürgebn
Auff das du nicht vergest danebn
Was du vorhin gelernet hast
Sonder dasselbig gar wol fast
Wenn du nun solches hast verbracht
So hab denn auff dein legn acht
Die du jezund bald must aufffagn
Was du nit kanst das thu fein fragn
Vnd sie offtmals fein vberliesß
Dahemmen auch im hauß merck diß
Vnd was man dich sonst mehr thut lern
So thu vberall fleiß antehrn
Auff das wenn du aufffagen must
Du bestehest nach allem lust
Vnd wenn man beten thut vnd singen
So laß dein stimb auch fein erklingen
Hüt dich/schwarz nicht sehr oder lach
Sonder wart fleissig deiner sach
Ruck nicht hin vnd her auff der bencß
Vnd mach darzu kein böß gestencß
Wenn du dich schneuzst so thus fein auß
Mach an den Ermelen kein grauß
Vnd

Vnd so man dich wird heimgen lassen
So sey fein züchtig auff der gassen
Vnd schrey vnd lauff nicht hin vnd dar
Samb seyest du vnfinnig gar
Damit du nicht/so mans vernommen
Ein guten schilling thust bekommen.

Wie ein kind den Tisch ordnen soll.

Vnd wenn es sich begeben wolt
Das du zu tisch nun sitzen solt
So bereyte vnd ordene vor
Alle dinge vnd zugehör
Als da ist Wasser/Wein vnd Bier
Vnd sauber fein die Trinctgeschir
Darnach so leg das Tischtuch auff
Vnd was sonst mehr gehöret drauff
Messer/Saltzfass vnd Schüsselring
Brot/Teller/Löffel/vnd ander ding
Vnd so man gessen hat/so brauch
Dich jetzt erzelter ordnung auch
Vnd hebe wieder auff fein eben
Damit man dir den preys thu geben.

B ij **Wie**

Wie ein Knabe zu Tisch dienen sol.

Vnd so du dienen mußt zu Tisch
So steh fein auff richtig vñ frisch
Füg deine füsse fein zusam
Merck fleissig auff/ vnd sey sorgsam
Vnd hab achtung fein in der nech
Damit nichts mangel vnd gebrech
Vnd so du einschenckst vnd hinfest
Schaw das du niemandt nit verletzst
Vnd verschüttest den guten Wein
Denn das würd gar zu tölpisch sein
So ihr etwa zwen schwarz theten
Denselben thu nicht untereden
Wenn du aber gefraget wirst
So antwort kurglich auff das schirft
Vnd hab acht auff die Trinckgeschir
Das du mit denen nicht werdest ir
Vnd untereinander thust vermischen
Im einsch necken vnd auff den tisch
Vnd so man liecht thut zünden an
So bütz sie eygentlich vnd schon

Auff

Auff das du nicht mit dem gestand
Diese beleydigst auff der banc
Vnd so du abbrichest dem liecht
Hab acht vnd thus verleschen nicht
Auch so was vberbleibt am Tisch
Es sey gleich fleisch oder von visch
Dauon solt du nicht nascheu auch
Denn es ist sehr ein böser brauch
Vnd bringet auch viel böser frucht
Welches dienet zu keiner zucht.

Wie sich ein kind halten soll so er selbs zu Tisch sitzet.

Vnd so du selbs an tisch thust sitzen
So halt dich der ordnung mit witz
Du seyest Meydlein oder Knab
Erstlich schneid vor die Nagel ab
Darnach so wasch dein hend mit sitte
Vnd züchtig für den tisch hin tritt
Leg deine hend zusammen fein
Vnd preysse vor den Schöpffer dein
Darnach so setz dich nider schon
Sein auffrichtig/lein dich nicht on

B

iiiij

Vnd

Vnd sey nicht der erst in der Schüssel
So dir was schmeckt in deinem rüsse
So eyle nicht am aller sehrsten
Trinck auch nicht zum aller ersten
Wenn jederman hat griessen zu
Als denn thu auch zugreiffen du
Trinck vnd auch is so viel du magst
Damit du es in züchten tragst
Denn was darüber wird genommen
Das thut niemandt wol bekommen
Vnd wenn man dir fürlegen thut
So nimb ein theil dauon für gut
Das ander gib ihm wider schir
Oder ein andern neben dir
Vnd sag ihm darzu fleissig danck
Auch sollen deine hend nicht lanck
Sornen auff dem Teller liegen
So wil es sich auch gar nicht fügen
Das du dein füsse hin vnd wieder
Schlenck erst vnderm Tische nider
Vnd so du trinckst Bier oder Wein
So seuber vor die leffzen dein
Mit zweyen fingern an der stet
Oder mit einem Sacineth

Merd

Merck vñ trinck auch nicht zu der stund
Wenn du die speiß noch hast im mund
Das gebissen brodt/habe fleiß
Das dunck nicht wieder in die speiß
Dazu so leck nicht deine finger
Tag auch kein bein nicht desto ringer
Sonder schneid es/mit dem Messer
Stür keine zeen/denn es ist besser
Mit einem Kyl die selben stür
Vnd halt zugleich die hand dafür
Das brodt an deiner brust nicht schneidt
Vnd isß allein was vor dir leydt
Vnd so du fleisch/Visch oder was
Für dich wilt legen/mercke das
So thu es mit dem Messer dein
Nit mit den fingern/es steht nit fein
Auch wenn du essen thust/so schaw
Vnd schmatz nit wie ein grobe Saw
Kraz dich auch nicht an keiner stat
Dergleichen fege den vnflat
Auß der Nasen vnd Ohren nit
Denn solches ist ein grober sitt
Es steht auch bewiisch vnd nicht wol
Viel reden wenn man essen sol

B v Vnd

Vnd oft niesen/husten/vnd schneuzen
Oder grob speichel außher speutzen
Merck/ wenn du essen wilt ein Ey
So schneid zuvor das brodt engwey
Vnd mach die brocken rechter maß.
Nicht zu lang oder zu groß
Vnd habe acht in deinem sinn
Das dir nichts neben abe rinn
Die Eyschalen nicht zerbrich
Legs wieder in die schüssel sich
Vnd weil du das Ey ist behende
Darzwischen trinck nicht biß zum end
Das Tischtuch oder deine brust
Mach nicht vn sauber mit vn lust
Vnd so du issest pfefferricht
So leck bey leib die finger nicht
Wenn du denn gessen hast nun gar
So thu eins/vnd nimb eben war
Wasch deine hand/spül auß den Mund
Vnd sage Gott von hertzen grund
Durch Ihesum Christum lob vnd danc
Das er dich mit speys vnd mit tranck
So reichlichen gespeysset hat
Durch sein Vätterlich wolthat

Vnd

Vnd so man dich zu einer zeyt
Verehret vnd zu trincken geit
So nerge dich/vnd trinck nicht geizig
Vnd danck ihm des mit worten fleißig
So jemandt mit dir reden will
So stehe auff/vnd halte still
Erzeyg ihm ehr/vnd hör jm zu
Was er beger vnd sagen thu
Auff das du mit bedacht darnebn
Im widerumb kinst antwort gebn
Wenn nun der abent kompt herzu
Vnd du dich legen wilt zu rhu
So dancke zuuor Gottes güt
Das er den tag dich hat behüt
Vnd bit ihn weiter das er dich
Die Nacht beware sicherlich
Vor allem vbel vnd vor leid
So schleffstu denn in sicherheit
Vnd so du dich des also fleißt
Wirfst du gelobet vnd gepreyßt
Verachst aber die lehr/wolan
So schend vnd schmecht dich jedeman
Darumb folg fleißig dieser lehr
So du wilt haben preysß vnd ehr

Lerne

Lerne fleißig in der jugende
Weißheit/zucht/ehr/scham vñ tugent
Vnd enthalt dich zu aller zeit
Vor aller schalckheit vnd bößheit
Vnd befihl all dein thun vnd lebn
Dem waren Gott im Himmel ebn
Vnd leb nach seinen worten alln
So wirst du Gott sehr wolgefally
Vnd ein Kind vnd Erbe werden
Des newen Himmels vnd der Erden
Darinnen du mit frewd vnd wunn
Wirst leuchten wie die helle Sonn
Dahin so helff vns allen GOTT
Aus vnser aller grösten noth
Darinn wir kümmerlich thun leben
Nun wollen wir Gott ehre geben
Vnd ihn alle zu dieser stundt
Preysen auß vnfers hertzen grundt
Lobt ihn jr kleinen Kinderlein
Er wil von euch gepreyset sein
Ehrt vnd erhöhet seinen Namen
Vnd sprecht den von hertzen amen
Hebt an vnd singet allsamen.

Volget

Volget ein Lobge- sang.

Singen wir auß hertzen grundt/lob-
ben Gott mit vnserm Mundt/Wie
er seine Güte an vns beweist / So
hat er vns auch gespeyst / Wie er Thier
vnd Vögel ernehrt / So hat er vns auch
beschert/ Welchs wir jeczund haben verz-
zert.

Loben wir ihn als seine Knecht/das
sindt wir ihm schuldig von recht/Erken-
nen wie er vns hat geliebt / Den Mens-
chen auß genaden gibt/ das er von bein
Fleisch vnd von Haut/ artlich ist zusam-
men gebawt/Das er des tages liecht an-
schawt.

Als bald der Mensch sein leben hat/
Seine Kücken vor jm stat/ In dem leyb
der Mutter sein/Ist er zugerichtet fein/
aber es ist ein kleines Kind/mangel doch
an niergendt es findt/Biß es an die wel-
te kömpt.


Gott


7
Gott hat die Erden zugericht/ Lest
an nahrung mangeln nicht/ Berg vnn
Thal die macht er naß / Das dem Vieh
auch wechset sein gras / Auf der Erden
Wein vnd Brodt/ Schaffet Gotte vnn
gibts ihm satt/ Das der Mensch sein le
ben hat.

Das Wasser das muß geben Fisch/
Die lest Gott tragen zu Tisch/ Eyer von
Vögelein gelegt/ werden Junge darauß
geheckt/ Müßen der Menschen Speys
sein/ Hirschen / Bären / Rinder vnd
Schwein/ Schaffet Gott vnd gibts al
lein.

Dancken wir sehr/bitten wir in/ das
er gebe des Geistes sinn/ Das wir solches
recht verstehn/ stets nach seinen geboten
gehn/ Seinen Namen machen groß/ inn
Christo on vnterlaß/ so singen wir recht
das Grätias.

Erdruckt zu Nürnberg/ durch
Valentin Fuhrman.






Biblioteka Jagiellońska



stdr0033015

K. B.



R

H. Sachs
Hystory
vonn Griselda
c. adn.

Yp
7632